



The Climate Registry

Uqariingniq Havattiarutighanik Turaarutighaniklu

Nunavut angirhimayuq ilauyaami uvani *Hilaliqinikkut Titiraqvikmi* imailiurluni

- Pivallialiurluni aulapkailunilu atuqtauraanginnaqtaghamik puyuum anialailaqtainni unniutjutiniqarvighamik nakuuqpiarniqaqtumik pitjutiqaqtaaqtumik amigaittunik puyuum anialailaqtikkut unniutjutinik puyullu anianiinnilu mikhilaaqtinniarnahuarnikkut maligutighanik taapkununga ilauyunut nunat/avikturhimayut/aallailu taapkuallu unniutinikkut havakviit; ukuallua
- Tuniluni ihuaqtunik, inirhimayunik, aajikkiikniqaqtunik, tautungnarniqaqtunik itqumayaagainnik naunaiyaqtauhimayuniklu puyuum anialailaqtainni ilitturipkaitjutighanik taapkununga unniutinikkut havakvingnit, ikayuqtaupluni manighatigut amirinirni naunaiyarnirnilu pitjutainnik.

Ilaupluta uumani *Hilaliqinikkut Titiraqvikmi* imialiurniaqtugut:

- Havaqatigilugit *Hilaliqinikkut Titiraqvik* piliurnirmi angirhimalugulu piyumayunit havakviinni-tamainni puyuum anialailaqtainni unniutjutiniqarvighamik naunaiyaivighanilu aghuurharniaqtaillu havakviit Nunavunmi [nunat, avikturhimayut, Aallailuunniit] inmikkut unniutiuplugit puyuni anipqaqaktamingni talvunga Hilaliqinikkut Titiraqvikmut;
- Havaqatigilugit *Hilaliqinikkut Titiraqvik* naunaiyarlugit naunaiyautighat puyuum anialailaqtainni kiklighait ilitturipkaitjutainni qanuraaluktut naunaitqutighaagut aturaanginnarutighamik ilitariyauyughaq taapkununga ilauyunit nunanit, avikturhimayunit aallainninlu taapkungnangni tamarnik inmikkut pitquyauhimayunilu unniutjutini puyullu anianiinnilu mikhilaaqtinniarnahuarnikkut pinahuarutini; uvvalu
- Havakluta atuqtipkalirninginni hapkuninga kiklighaqaqtut ilitturipkaitjutainni qanuraaluktut naunaitqutighaagut aturaanginnarutighat taapkununga quyaginnani pitquyauhimayuni puyuum anialailaqtainni unniutjutainni uumanilu puyut anianiinni mikhilaaqtinniarnahuarnikkut pinahuarutimi.

Ilaupluta uumani *Hilaliqinikkut Titiraqvikmi* havangniaqtugut tikinniarhimalugit hapkuat turaarutighat:

- Aturlugit nakuutqiyayut havagutit puyuum anialailaqtainni unniutjutainni;
- Piliurluni atuqtauraanginnaqtaghamik ilitturipkaitjutighani qanuriliurutighamik inmikkut pitquyauhimayunilu unniutjutini puyullu anianiinnilu mikhilaaqtinniarnahuarnikkut pinahuarutini;

- Ikikliniarhimalugit havaaghariarhimaliqparutit unniqtut havakviit, nunat, avikturhimayut aallaillu;
- Tunihiluni uktuqvighamik taapkununga unniutinikkut havakviinni piliuriamikni puyut annianiinnik uktuutikkut naunaitkutighaanik titiraqlugillu hivulliit huliniit;
- Pivallialiurluni Kanadami ilitariyahimayumik pivikhamik taapkununga ihuaqtunik aajjikkiikniqaqtunik puyuum anialailaqtainni unniutjutiniqarvighamik; uvvalu
Aghuurharlugit tamatqihimayunik inungnunlu unniqtuinirnik ukunani puyuum anialailaqtainni huli taimaalu ihumagittiarlugillu havakviinni hiamitiqtipkaiyumayinginninginni.

Angirhimayutut una *Hilaliqinikkut Titiraqvik* maligaqarniaqtuq hapkunanga havattiarutitjutingnit:

- Iiraqturhimainnirnik Tautungnaqarnirniklu: Ihumagilugit uqautiit tigummitjutiqaqtuni, ilaulugit avatiliqnikkut katimayiit, nanminiqagtut, nunlaani kavamatkut aallalu piyumaniqagtut katimayiit;
- Havaqatigiingniit: Pinihimalutit tamainnit angihimanirnik pitaarniqaqqat;
- Katimayiinnit Ilauqatigiinniit: ilitturipkaqtitparlugit aallat nunat aallaillu ilauyaarungnarhiyullu unniutjutinikkut havakviit;
- Ihuaqtunik Katimayighanik: Piliurluni katimayighanik, uumingalu Aulapkaiyiit Katimayighat, pimmariktaanginni avikturhimayunit aallainninlu katimayighanik, taimaatut ilauyut aallait ihumaliurlutik Katimayighatik taimaatut amigaitilaangit aallait ilauyut amigaitqiyaukpata hailihimayuni amigaitilaangit aallait ikhivautaghait; uvvalu
- Manighatigut Ihuatqiyauuniit: Aghuurharlugit akikitqiyat akiliuqtuitjutighat pittaaqqat.



[Sainiutaa Kavanaup, Hivuliqti Aallait]

August 17, 2009

[Uplua]

Hivuliqti Eva Aariak
Minista Kavamaliqiyikkut
Nunavut Kavamat